

欽定全唐詩

第一函
第四冊

全唐詩目

陳子昂 二卷

張說 五卷

張均

張均 共一卷

韋嗣立

魏奉古

崔日知

崔泰之

魏知古 共一卷

李义 一卷

盧藏用

岑義

薛稷

馬懷素 共一卷

富嘉謨

吳少微

員半千

王適

閻丘均

齊澣

祝欽明

劉知幾

胡雄

張齊賢

鄭善玉

丘悅 共一卷

沈佺期 三卷

趙冬曦

尹恁

王珣

陰行先

王熊

梁知微

李伯魚

楊重玄

朱使欣 共一卷

張循之

王峻

張柬之

袁恕己

劉幽求

章玄同

王易從

盧僊

牛鳳及 共一卷

司馬逸客

王紹宗

鄭遂初

李崇嗣

東方虬

張楚金

房融

呂太一

張紘

鄭蜀實 共一卷

宋務光

李景伯

李行言

郭利貞

元希聲

李澄之

李如錫

洪子興

寇泚

吳兢 共一卷

武平一 一卷

趙彥昭 一卷

蕭至忠

李迥秀

楊廉

韋安石

寶希玠

陸景初

鄭南金

李咸

趙彥伯

于經野

盧懷慎 共一卷

辛替否

王景

畢乾泰

麴瞻

樊忱

孫佺

李從遠

周利用

張景源

李恒

張錫

解琬共一卷

鄭愔一卷

源乾曜

徐堅

源光裕共一卷

李元紘

裴漼

劉昇

蕭嵩

韋抗

李嵩

韋述

陸堅

程行誡

褚琇

裴光庭

宇文融

崔沔

崔尚

胡皓共一卷

李適之

房琯

李泌

郭子儀共一卷

張諤

劉庭琦

鄭繇共一卷

韓休

許景先

王丘

蘇晉

崔禹錫

張嘉貞

盧從愿

袁暉

王光庭

徐知仁

席豫

韓思復

劉冕共一卷

賀知章一卷

裴耀卿

宋鼎

崔頌

孫翊

徐仁友

蘇綰

康庭芝

張宣明

盧崇道共一卷

包融

丁仙芝

蔡隱丘

蔡希周

蔡希寂

張潮

張翬

周瑀

談戢

殷遥

沈如筠

孫處玄

徐延壽

樊晃共一卷

李愷

李邕

王灣

史青

王泠然共一卷

張子容一卷

張旭

賀朝

萬齊融

邢巨

張若虛

薛業共一卷

孫逖一卷

崔國輔一卷

崔珪

楊浚

劉晏

袁瓘

李昂

庫狄履溫

寇坦

李休烈 共一卷

李林甫

楊炎

元載

陳希烈

張漸

宋昱 共一卷

盧象 一卷

盧鴻 一卷

徐安貞

崔翹

梁昇卿

吳鞏

陸海

裴士淹

李元操

顧朝陽

陶峴 共一卷

全唐詩

陳子昂

陳子昂字伯玉梓州射洪人少以富家子尚氣決好弋博後遊鄉校乃感悔修飭初舉進士入京不為人知有賣胡琴者價百萬子昂顧左右輦千緡市之衆驚問子昂曰余善此曰可得聞乎曰明日可入宣陽里如期偕往則酒肴畢具奉琴語曰蜀人陳子昂有文百軸不爲人知此賤工之伎豈宜留心舉而碎之以其文百軸徧贈會者一日之內名滿都下擢進士第武后朝爲靈臺正字數上書言事遷右拾遺武攸宜北討表爲管記軍中文翰皆委之子昂父爲縣令段簡所辱子昂聞之遽還鄉里簡乃因事收繫獄中憂憤而卒唐興文章承徐庾餘風駢麗穠縟子昂橫制頽波始歸雅正李杜以下咸推宗之集十卷今編詩二卷

慶雲章

崑崙元氣實生慶雲大人作矣五色氤一作氣氤昔在帝媿南風既薰叢芳爛熳郁紛紛曠矣千祀慶雲來止玉葉金柯祚我天子非我天子慶雲誰昌非我聖母慶雲誰光慶雲光矣周道昌矣九萬八千天授皇年

感遇詩三十八首

微月生一作出西海幽陽始代一作化昇圓光正一作恰東滿陰魄已朝凝太極生天地三元更廢興至精諒斯在三五誰能徵

蘭若生春夏芊蔚何青青幽獨空林色朱蕤冒紫莖遲遲白日晚嫋嫋秋風生歲華盡搖落芳意竟何成

蒼蒼丁零塞今古緬荒途亭堠何摧兀暴骨無全軀黃沙帳南起白日隱西隅漢甲三十萬曾以事匈奴但見沙場死誰憐塞上一作下孤

樂羊爲魏將食子殉軍功骨肉且一作向相薄他人安得忠吾聞中山相乃屬放麇翁孤獸猶一作且不忍況一作則以奉君

終

市人矜巧智於道若童蒙傾奪相夸侈不知身所終曷見玄真子觀世玉壺中窅然遺天地乘化入無窮吾觀龍變化乃知至陽精石林何冥密幽洞無留行古之得仙道信與元化并玄感非象一作蒙識誰能測沈一作淪冥世人拘目見酣酒笑丹經崑崙有瑤樹安得采其英

白日每不歸青陽時暮矣茫茫吾何思林臥觀無始衆芳委時晦鵲鳩鳴悲耳鴻荒古已頽誰識巢居子

吾觀崑崙化日月淪洞冥精魄相交會天壤以羅生仲尼推太極老聃貴杳冥西方金仙子崇義乃無明空色
皆寂滅緣業定
一作亦何成名教信紛藉死生俱未停

聖人秘元命懼世亂其真如何嵩公輩一作謏誤時人先天誠爲美階亂禍誰因長城備胡寇羸禍發其親亦
精既迷漢子年何救秦去去桃李花多言死如麻

深居觀元化一作事動怫然爭朵頤譏說相啖食利害紛嘖嘖便便夸毘子榮耀更相持務光讓天下商賈競刀錐已
矣行采芝萬世同一時

吾愛鬼谷子青谿無垢氛囊括經世道遺身在白雲七雄方龍鬪天下久一作亂無君浮榮不足貴遵養晦時文舒
可彌宇宙卷之不盈分豈徒山木壽空與麋鹿羣

呦呦南山鹿罹罟以媒和招搖青桂樹幽蠹亦成科世情甘近習榮耀紛如何怨憎未相復親愛生禍羅瑤臺
傾巧笑王杯殞雙蛾誰見枯一作孤城藥一作樹青青成斧柯

林居病時久水木澹孤清閑臥觀物化悠悠念無生青春始萌達朱火已滿盈徂落方自此感歎何時平
臨岐泣世道天命良悠悠昔日殷王子王馬遂朝周寶鼎淪伊穀瑤臺成古一作故丘西山傷遺老東陵有故侯

貴人難得意賞愛在須臾莫以心如玉探他明月珠昔稱天桃子今爲春市徒鳴鴉悲東國麋鹿泣姑蘇誰見
鴟夷子扁舟去五湖

聖人去已久公道緬良難蚩蚩夸毘子堯禹以爲謾驕榮貴工巧勢利迭一作通相于燕王尊樂毅分國願同歡魯
仲連讓齊爵遺組去却卿伊人信往矣感激爲誰歎

幽居觀天運悠悠念羣生終古代興沒豪聖莫能爭三季淪周報七雄滅秦嬴復聞赤精子提劍入咸京炎光
既無象晉虜復縱橫堯禹道已昧昏虐勢方行豈無當世雄天道與胡兵咄咄安可言時醉而未醒仲尼溺東

魯伯陽遁西溟大運自古來旅人胡歎哉
逶迤勢已久骨鯁道斯窮豈無感激者時俗頽此風灌園何其鄙皎皎於陵中世道不相容嗟嗟張長公

聖人不利已憂濟在元元黃屋非堯意瑤臺安可論吾聞西方化清淨道彌敦奈何窮金玉雕刻以爲尊雲構

山林盡瑤圖珠翠煩鬼工尚未可人力安能存夸愚適增累矜智道逾昏

玄天幽且默羣議曷咄咄聖人敦猶在世運久陵夷一繩將何繫憂醉不能持去去行采芝勿爲塵所欺

蜻蛉遊天地與世本無患飛飛未能止一作黃雀來相干穰侯富秦寵金石比交歡出入咸陽裏諸侯莫敢言寧

知山東客激怒秦王肝布衣取丞一作相千載爲辛酸

微霜知歲晏斧柯始青青況乃金天夕浩露沾羣英登山望宇宙白日已西暝雲海方蕩潏孤鱗安得寧

翡翠巢南海雄雌珠樹林何知美人意驕愛比黃金殺身炎州裏委羽玉堂陰旖旎光首飾歲裝爛錦余豈不

在遐遠虞羅忽見尋多材信爲累歎息此珍禽

挈瓶者誰子蛟一作妖服當青春三五月滿盈盈不自珍高堂委金玉微縷懸千鈞如何負公鼎被攷笑時人

玄蟬號白露茲歲已蹉跎羣物從大化孤英將奈何瑤臺有青鳥遠食玉山禾崑崙見玄鳳豈復虞雲羅

荒哉穆天子好與白雲期宮女多怨曠層城閒蛾眉日耽瑤池樂豈傷桃李時青苔空萎絕白髮生羅帷

朝發宜都渚浩然思故鄉故鄉不可見路隔巫山陽巫山綵雲沒高丘正微茫佇立望已久涕落一作淚沾衣裳豈

茲越鄉感憶昔楚襄王朝雲無處所荆國亦淪亡

昔日章華宴荆王樂荒淫霓旌翠羽蓋射兕雲夢林竭來高唐觀悵望雲陽岑雄圖今何在黃雀空哀吟

丁亥歲云暮西山事甲兵羸糧匝印道荷戟爭羗城嚴冬陰風勁窮岫一作油雲生昏暄一作無晝夜羽檄復相驚

拳跼競萬仞崩危走一作遠九冥籍籍一作寂寂峯壑裏哀哀冰雪行聖人御宇宙聞道泰階平肉食謀何失藜藿緬縱橫

可憐一作惜瑤臺樹灼灼佳人姿碧華映朱實攀折青春時豈不盛光寵榮君白玉墀但恨紅芳歇凋傷感所思

竭來豪遊子勢利禍之門如何蘭膏歎感激自生冤衆趨明所避時棄道猶存雲淵旣已失羅網與誰論箕山有

高節湘水有清源唯應白鷗鳥可爲一作與洗心言

索居猶一作獨幾日炎夏忽然衰陽彩皆陰翳親友盡睽違登山望不見涕泣久漣洏宿夢一作昔感顏色若與白雲期

馬上一一作世驕豪子驅逐正蚩蚩蜀山與楚水攜手在何時

金鼎合神一作還丹世人將見欺飛飛騎羊子胡乃在峨眉變化固幽一作非類芳菲能幾時疲病苦淪世憂悔一作悔日侵

溜眷然顧幽褐白雲空涕洟

朔風吹海樹蕭條邊已秋亭上誰家子哀哀明月樓自言幽燕客結髮事遠遊赤丸殺公吏白刃報私讎避
雖至海上被役此邊州故鄉三千里遼水復悠悠每憤胡兵入常爲漢國羞何知七十戰白首未封侯

本爲貴公子平生實愛才感時思報國拔劍起蒿萊西馳丁零塞北上單于臺登山見千里懷古心悠哉誰言
未忘禍磨滅成塵埃

浩然坐何慕吾蜀有峨眉念與楚狂子悠悠白雲期時哉悲不會涕泣久連沍夢登綏山穴南采巫山芝探元
觀羣化遺世從雲螭婉變時永矣感悟不見之

朝入雲中郡北望單于臺胡秦何密邇沙朔氣雄哉藉藉天驕子猖狂已復來塞垣無名將亭候空崔嵬咄嗟

吾何歎邊人塗草萊

仲尼探元化幽鴻順陽和大運自盈縮春秋遞一作來過盲飈忽號怒萬物相紛劇溟海皆震蕩孤鳳其如何

觀荆玉篇

并序

丙戌歲余從左補闕喬公北征夏四月軍幕次一作于張掖河河洲草木無他異者惟有仙人杖往往叢生

幽朔地寒與中國稍異予家世好服食昔當餌之及此役也而息意茲味戍人有薦嘉蔬者此物存焉余

脩一作爾而笑曰始者與此君別不圖至是而見之豈非神明嘉惠將欲扶吾壽也因爲喬公昌言其能時

東萊王仲烈亦同旅舍聞而大喜甘心食之已旬有五矣適有行人自謂能知藥者謂喬公曰此白棘

也公何謬哉仲烈愕然而疑亦曰吾怪其味甘宋本今果如此喬公信是言乃譏予作采玉篇謂宋人不識

玉而實珉石也予心知必是猶以獨見之故被奪于衆人乃喟然而歎曰嗟乎人之大明者目也心之至

信者口也夫目照五色口分五味玄黃甘苦亦可一作斷而不惑矣而路傍一議二子增疑況君臣之際朋

友之間乎自是而觀則萬物之情可見也感采玉詠而作觀玉篇以答之并示仲烈識其失真也

陽夷雙白玉此玉有縞磷懸之千金價舉世莫知真丹青非異色輕重有殊倫勿信王工言一作勿信王言子徒悲荆國人

鴛鴦篇

飛飛鴛鴦鳥舉翼相蔽虧俱來綠潭裏共向白雲涯音容相眷戀羽翮兩逶迤蘋萍戲春渚霜霰遶寒池浦沙
連岸淨汀樹拂潭垂年年此遊詭歲歲來追隨鳳皇起丹穴獨向一作梧梧桐枝鴻雁來紫塞空隱稻梁肥鳥啼倦

依托鶴鳴傷別離豈若此雙禽飛翔不異林刷尾青一作清江浦交頸紫山岑文章負奇色和鳴多好音聞有鴛鴦綺復有鴛鴦衾持爲美人贈勗此故交心

與東方左史虬修竹篇 并書

東方公足下文章道弊五百年矣漢魏風骨晉宋莫傳然而文獻有可徵者僕嘗暇時觀齊梁間詩彩麗競繁而興寄都絕每以永歎思古人常恐遲遲一作遙遙類靡風雅不作以耿耿也一昨於解三處見明公詠孤桐篇骨氣端翔音情頓挫光英一作朗練有金石聲遂用洗心飾視發揮幽鬱不圖正始之音復覩於茲可使建安作者相視而笑解君云張茂先何敬祖東方生與其比肩僕亦以爲知言也故感歎雅製作修竹詩一首當有知音以傳示之

龍種一作龍生南嶽孤翠鬱亭亭峰嶺上崇萃煙雨下微冥夜聞鼯鼠叫晝聒泉壑聲春風正淡蕩白露已清泠哀響激金奏密色滋玉英歲寒霜雪苦含彩獨青青豈不厭凝冽羞比春木榮春木有榮歇此節無凋零始願與金石終古保堅貞不意伶倫子吹之學鳳鳴遂偶雲和瑟張樂奏天庭妙曲方千變簫韶亦九成信蒙雕斷美常願事仙靈驅馳翠虬駕伊鬱紫鸞笙結交羸臺女唫弄昇天行攜手登白日遠遊戲赤城低昂玄鶴舞斷續綵雲生永隨衆仙遊三山遊玉京

薊丘覽古贈盧居士藏用七首 并序

丁酉歲吾北征出自薊門歷觀燕之舊都其城池霸業迹已蕪沒矣乃慨然仰歎憶昔樂生鄒子羣賢之遊盛矣因登薊丘作七詩以志之寄終南盧居士亦有軒轅之遺跡也

軒轅臺

北登薊丘望求古軒轅臺應龍已不見牧馬空黃埃尚想廣成子遺跡白雲隈

燕昭王

南登碣石坂一作館遙望黃金臺丘陵盡喬木昭王安在哉霸圖悵已矣驅馬復歸來

樂生

王道已淪昧戰國競貪兵樂生何感激仗義下齊城雄圖竟中天遺歎寄阿衡

燕太子

秦王日無道太子怨亦深一聞田光義匕首贈千金其事雖不立千載爲傷心

田光先生

自古皆有死狗一作義良獨稀奈何燕太一作子尚使田生疑伏劍誠已矣感我涕沾衣

鄒衍

大運淪三代天人罕有窺鄒子何寥廓漫說九瀛垂興亡已千載今也則無推一作爲

郭隗未缺

逢時獨爲貴歷代非無才隗君亦何幸遂起黃金臺

西還至散關答喬補闕知之

歲蕤蒼梧鳳嘹唳白露蟬羽翰本非匹結交何獨全昔君事胡馬余得奉戎旃攜手向沙塞關河緬幽燕芳歲幾陽止白日屢徂遷功業雲臺薄平生玉佩捐歎此南歸日猶聞北戍邊代水不可涉巴江亦潺湲攬衣度西谷銜涕望秦川蜀門自茲始雲山方浩然

度峽口山贈喬補闕知之王二無競

峽口大漠南橫絕界中國叢石何一作相紛紜赤一作小山復翕絕遠望多衆容逼一作迫之無異色崔嵬乍孤斷逶迤屢回直信關胡馬衝亦距漢邊塞豈依河山險將順休明德物壯誠有衰勢雄一作高良易極遷迤忽而盡決漭平不息之子黃金軀如何此荒域雲臺盛多士待君丹墀側

題居延古城贈喬十二知之

聞君東山意宿昔紫芝榮滄洲令何在華髮旅邊城還漢功旣薄逐胡策未行徒嗟白日暮坐對黃雲生桂枝芳欲晚薏苡謗誰明無爲空自老含歎負生平

贈趙六貞固二首

回中烽火入塞上追兵起此時邊朔寒登隴思君子東顧望漢京南山雲霧裏

赤螭媚其彩一作形婉孌蒼梧泉昔者瑯琊子躬耕亦慨然美人豈遐曠之子乃前賢良辰在何許白日屢頽還道

心固微密神用無留連舒可彌宇宙攬之不盈拳蓬萊一作茅久蕪沒金石徒精堅良寶委短褐閑琴獨嬋娟

答韓使同在邊

漢家失中策胡馬屢南驅聞詔安邊使曾是故人謨廢書悵懷古負劔許良圖出關歲方晏乘障日多虞虜入
白登道烽交紫塞途連兵屯北地清野備東胡邊城方晏閑斥堠始昭蘇復聞韓長孺辛苦事匈奴雨雪顏容
改縱橫才位孤空懷老臣策未獲趙軍租但蒙魏侯重不受謗書誣當取金人祭還歌凱入都

征東至淇門答宋十一參軍之問

南星中大火將子涉清淇西林改微月征旆空自持碧潭去已遠瑤華一作草折遺誰若一作君問遼陽戍悠悠一作搖搖天際
旗

答洛陽主人

平生白雲志早愛赤松遊事親恨未立從宦此中州主人亦何一作何發問旅客非悠悠方謁明天子清宴奉良籌再
取連城壁三陟平津侯不然拂衣去歸從海上鷗寧隨當代子傾側且沉浮

酬暉上人秋夜山亭有贈

皎皎白林秋微微翠山靜禪居感物變獨坐開軒屏風泉夜聲雜一作絕月露宵光冷多謝忘機人塵憂未能整

酬李參軍崇嗣旅館見贈

昨夜銀河畔星文犯一作天漢今朝紫氣新物色果逢真言從天上落乃是地仙人白壁疑寬楚烏裘似入秦摧
藏多古意歷覽備艱辛樂廣雲雖覩夷吾風未春鳳歌空有問龍性詎能馴寶劔終應出驪珠會見珍未及馮
公老何驚孺子貧青雲儻可致一作效北海憶孫賓

酬暉上人夏日林泉

聞道白雲居窮窅青蓮宇巖泉萬丈流一作流樹石一作石室千年古林臥對軒窗山陰滿庭戶方釋塵事勞從君襲蘭
杜

同宋參軍之問夢趙六贈盧陳二子之作

曉霽望萬丘一作嶺白雲半巖足氛氲涵翠微宛如羸一作羸臺曲故人昔所尚幽琴歌斷續變化竟無常人琴遂兩亡

白雲失處所夢想暖容光疇昔疑緣業儒道兩相妨前期許幽報迨此尚茫茫晤言既已失感歎一作恨情何一始
憶攜手期雲臺與峨眉達兼濟天下窮獨善其時諸君推管樂之子慕巢夷奈何蒼生望卒爲黃綬歎銘鼎功
未立山林事亦微撫孤一流慟懷舊日一作且睽違廬子尚高節終南臥松雪宋侯逢聖君驂馭一作御遊青雲而我獨
踳蹢語默道猶屯征戍在遼陽蹉跎草再黃丹丘恨不及白露已蒼蒼遠聞山陽賦感涕下沾裳

送別出塞

平生聞高義書劒百夫雄言登青雲去非此白頭翁胡兵屯塞下漢騎屬一作入雲中君爲白馬將腰佩驛角弓單
于不敢射天子佇深功蜀山余方隱良會何時同

登薊丘樓送賈兵曹入都

東山宿昔意北征非我心孤負平生願感涕下沾襟暮登薊樓上永望燕山岑遼海方漫漫胡沙飛且深峨眉
杳如夢仙子曷由尋擊劒起歎息白日忽西沉聞君洛陽使因子寄南音

夏日暉上人房別李參軍崇嗣并序

考察天人旁羅變動東西南北賢聖不能定其居寒暑晦明陰陽不能革其數莫不雲離雨散奔馳于宇
宙之間宋遠燕遙泣別于關山之際自古來矣李參軍白雲英冑紫氣仙人愛江海而高尋頓風塵而未
息來從許下月旦出于龍泉言入蜀中星文見於牛斗野亭相遇逆旅承歡謝鯉之山水暫開樂廣之雲
天自樂思道林而不見悵若有亡詣祇樹而從遊然舊款高僧展袂大士臨筵披路之天書坐琉璃
之寶地簾帷後開拂鸚鵡之香林欄檻前開照芙蓉之綠水討論儒墨探覽真玄覺周孔之猶述一作述知老
莊之未晤一作悟遂欲高扳寶座伏奏金仙開不二之法門觀大千之世界歡娛恍晚離別行催紅霞生而白
日歸青氣凝而碧山暮驪歌斷引抗手將辭江漢浩浩而長流天地居然而不動嗟乎色爲何色悲樂忽
而因生誰去誰來離會紛而妄作俗之迷也不亦煩乎各述所懷不拘章韻

四十九變化一十三死生翕忽玄黃裏驅馳風雨情是非紛妄作寵辱坐相驚至人獨幽鑒一作覽窈窕隨昏明咫
尺山河道軒窗日月庭別離焉足問悲樂固能并我輩何爲爾棲皇猶未平金臺可攀陟寶界絕將迎戶牖觀
天地階基上杳冥自超三界樂安知萬里征中國要荒內人寰宇宙榮弦望如朝夕寧嗟蜀道行

秋園臥病呈暉上人

幽寂曠日遙林園轉清密疲病澹無豫獨坐泛瑤瑟懷挾萬古情憂虞百年疾綿綿多滯念忽忽每如失緬想赤松遊高尋白雲一作逸榮吝始都喪幽人遂貞吉圖書紛滿床山水謫盈室宿昔心所尚平生自茲畢願言誰見知梵筵有同術八月高秋晚涼風正蕭瑟

登澤州城北樓讌

平生倦遊者觀化久無窮復來登此國臨望與君同坐見秦兵壘遙聞趙將雄武安君何在長平事已空且歌玄雲曲一作御街酒舞薰風勿使青衿子嗟爾白頭翁

山水粉圖

山圖一作仙圖非之白雲兮若巫山之高丘紛羣翠之鴻溶又似蓬瀛海水之周流信夫人之好道愛雲山以幽求

綠樹歌

嘉錦筵之珍樹兮錯衆綠之氛氲狀瑤臺之微月點巫山之朝雲青春兮不可逢沉蕙色之增芬結芳意而誰賞怨絕世之無聞紅榮碧豔坐看歇素華流年不待君故吾思崑崙之琪樹厭桃李之續紛

春臺引寒食集華錄事定作

感陽春兮生碧草之油油懷宇宙以傷遠登高臺而寫憂遲美人兮不見恐青歲之遂一作道從畢公以酣飲寄林塘而一留採芳蓀於北渚憶桂樹於南州何雲木之美麗而池館之崇幽星臺秀士月旦諸子嘉青鳥之辰迎火龍之始挾寶書與瑤瑟芳蕙華而蘭靡乃掩白蘋藉綠芷酒既醉樂未已擊青鐘歌淥水怨青春之萎絕贈瑤臺一作華之旖旎願一見而道意結衆芳之綢繆曷余情之蕩漾囑青雲以增愁悵三山之飛鶴憶海上之白鷗重曰羣仙去兮青春頽歲華歇兮黃鳥哀富貴榮樂幾時兮朱宮碧堂生青苔白雲兮歸來

登幽州臺歌

前不見古人後不見來者念天地之悠悠獨愴然而涕下

喜馬參軍相遇醉歌并序

吾無用久矣進不能以義補國退不能以道隱身天子哀矜居於侍省且欲以芝桂爲伍麋鹿同曹軒裳

鐘鼎如夢中也南榮曝背北林設置有客扣門云吾道存孺子孺子黃中通理時玄冬遇夜微月在天白雲半山志逸海上酒既醉琴方清陶然玄暢浩爾太素則欲狎青鳥寄丹丘矣日月云邁蟋蟀謂何夫詩可以比興也不言曷著時醉書散灑乃昏見清廟臺令知此有蜀雲氣也畢大拾遺陸六侍御崔議司崔兵曹鮮于晉崔涵子懷一道人當知吾此評是實錄也若東萊王仲烈見之必以爲真醉歌曰獨幽默以三月兮深林潛居時歲忽兮孤憤遐吟誰知我心孺子孺子其可與理兮

度荆門望楚

遙遙去巫峽望望下章臺巴國山川盡荆門煙霧開城分蒼野外樹斷白雲隈今日狂歌客誰知入楚來

晚次樂鄉縣

故鄉杳無際日暮且孤征川原迷舊國道路入邊城野戍荒煙斷深山古木平如何此時恨嗷嗷夜猿鳴

同王員外兩後登開元寺南樓因酬暉上人獨坐山亭有贈

鐘梵經行罷香林坐入禪巖庭交雜樹石瀨瀉鳴泉水月心方寂雲霞思獨玄寧知人世裏疲病得一作苦攀緣

東征答朝臣一作送相送

平生白雲意疲薻愧爲雄君王謬殊寵旌節此從戎接繩當繫虜單馬豈邀功孤劒將何托長謠塞上風

詠主人壁上畫鶴寄喬主簿崔著作

古壁仙人畫丹青尚有文獨舞紛如雪孤飛暖似雲自矜彩色重寧憶故池羣江海聯翩翼長鳴誰復聞

居延海樹間鶯同作

邊地無芳樹鶯聲忽聽新間關如有意愁絕若懷人明妃失漢寵蔡女沒胡塵坐聞應落淚況憶故園春

題李三書齋崇嗣

灼灼青春仲悠悠白日昇聲容何足恃榮吝坐相矜願與金庭會將待王書徵還丹應有術煙駕共君乘

送魏大從軍

匈奴猶未滅魏絳復從戎悵別三河道言追六郡雄雁山橫代北狐塞接雲中勿使燕然上惟留漢將功一作獨有漢臣功

送殷大入蜀

禹一作蜀

山金碧路此地饒英靈送君一爲別悽斷故鄉情片一作夏雲生極浦斜日隱離亭坐看征騎沒惟見遠山青

落第西還別劉祭酒高明府

別館分周國歸驂入漢京地連函谷塞川接廣陽城望迴樓臺出途遙煙霧生莫言長落羽貧賤一交情

落第西還別魏四懌

轉蓬方不定落羽自驚弦山水一爲別歡娛復幾年離亭暗風雨征路入雲煙還因北山逕一作返歸守東陂田

送客

故人洞庭去楊柳春風生相送河洲晚蒼茫別思盈白蘋已堪把綠芷復含榮江南多桂樹歸客贈生平

春夜別友人二首

銀燭吐青煙金樽對綺筵離堂思琴瑟別路遠山川明月隱高樹長河沒曉天悠悠洛陽道一作去此會在何年

紫塞白雲斷青春明月初對此芳樽夜離憂悵有餘清冷花露滿滴瀝簷宇虛懷君欲何贈願上大臣書

遂州南江別鄉曲故人

楚江復爲客征棹方悠悠故人憫追送置酒此南洲平生亦何恨夙昔在林丘違此鄉山別長謠去國愁

送東萊王學士無競

寶劍千金買平生未許人懷君萬里別持贈結交親孤松宜晚歲衆木愛芳春已矣將何道無令白首一作髮新

送梁李二明府

負書猶在漢懷策未聞秦復此窮秋日芳樽別故人黃金裝屢盡白首契逾新空羨雙鳬鳥俱飛向玉輪

送魏兵曹使雋州得登字

陽山淫霧雨之子慎攀登羌竿多珍寶人言有愛憎欲酬明主惠當盡使臣能勿以王陽道一作數迢遞一作畏峻嶒

送著作佐郎崔融等從梁王東征并序

古者涼風至白露下天子命將帥訓甲兵將以外威荒戎內輯中夏時義遠矣自我大君受命百蠻蟻伏
匈奴舍蒲萄之宮越裳重翡翠之貢虎符不發象譯攸同實欲高議靈臺偃兵一作伯天下而林胡遺孽潰亂

邊忙驅蚊蚋之師忽雷霆之伐乃竊海裔弄燕陸皇帝哀北鄙之人罹其辛螫以東征之義降彼偏裨猶恐威令未孚亭塞仍梗乃謀元帥命佐軍得朱邸之天人乃黃閣之元老廟堂授鉞鑿門申命建梁國之旌旗吟漢庭之簫鼓東向而拜北道長驅蜺旄羽騎之殷戈翻落日突鬚蒙輪之勇劒決浮雲方且獵九都窮踏頓存肅慎弔姑餘彷徨赤山巡御日域以昭我王師恭天討也歲七月軍出國門天蟲無雲朔風清海時比部郎中唐奉一考功員外郎李迴秀著作佐郎崔融並叅帷幕之寶掌書記之任燕南帳別洛北思懽頓旌節而少留傾朝廷而出餞永昌丞房思立永冠之秀乃張蕙圃席蘭堂環曲榭羅羽觴寫中京之望縱候亭之賞爾乃投壺習射博奕觀兵鐘金饒曼瑤琴歌易水之慷慨奏關山以徘徊頽陽半林微陰出座思長風以破浪恐白日之蹉跎酒中樂酣拔劒起舞則已氣橫遼碣志掃獯戎抗手何言賦詩以贈

金天方肅殺白露始專征王師非樂戰之子慎佳兵海氣侵南部邊風掃北平莫賣盧龍塞歸邀麟閣名

春晦餞陶七於江南同用風字

并序內詩七字

蜀江分袂巴山望別南津坐恨歎仙帆之方遙北渚長懷見離亭之欲晚白雲去矣

黃

鶴何之楊柳青而三春暮我之懷矣能無贈乎同賦一言俱題四韻

黃鶴煙雲

一作霞

去青江琴酒同離帆方楚越溝水復西東芙蓉生夏浦楊柳送春風明日相思處應對菊花叢

喜遇冀侍御珪崔司議泰之二使

并序

余獨坐一隅孤憤五蠹雖身在江海而心馳魏闕歲時仲春幽臥未起忽聞二星入井四牡臨亭邀使者之車乃故人之駕隱几一笑把臂入林既聞朝廷之樂復此琴樽之事山林幽寂鐘鼎舊遊語默譚詠今復一得況北堂夜永西軒月微巴山有望別之嗟洛陽無寄載之客江關離會三千餘里名位寵辱一百年中歡娛如何日月其邁不爲目前之賞以增別後之思蟋蟀笑人夫子何歎

謝病南山下幽臥不知春使星入東井云是故交親惠風吹寶瑟微月憶清真憑軒一留醉江海寄情人

登薊城西北樓送崔著作融入都

并序

僕嘗倦遊傷別久矣況登樓遠國銜酒故人憤胡孽之侵邊從王師之出塞元戎按甲方刈鮮卑之壘天

子賜書且有君相之召而崔侯佩劔即謁承明羣公負戈方絕大漠燕山北望遼海東浮雲臺與碣館天
殊亭障共衣冠地隔撫劔何道長謠增歎以身許國我則當仁論道匡君子思報主仲冬寒苦幽朔初平
蒼茫天兵之氣冥滅戎雲之色白羽一指可掃九都赤墀九重佇觀獻凱心期我願斯遂君恩一作遂君之恩共有
策勛飲至方同廊廟之歡偃武櫜弓借爾文儒之首薊丘故事可以贈言同賦登薊樓送崔子云爾
薊樓望燕國負劔喜茲登清規子方奏單戟我無能仲冬邊風急雲漢復霜稜慷慨竟何道西南恨失朋
月夜有懷

美人挾趙瑟微月在西軒寂寞夜何久殷勤玉指繁清光委衾枕遙思屬湘沅空簾隔星漢猶夢感精魂
夏日遊暉上人房

山水開精舍琴歌列梵筵人疑白樓賞地似竹林禪對戶池光亂交軒巖翠連色空今已寂乘月弄澄泉

春日登金一作華觀

白玉仙臺一作上丹丘別望遙山川亂雲日樓榭入煙霄鶴舞千年樹虹飛百尺橋還疑一作達赤松子天路坐相邀

羣公集畢氏林亭

金門有遺世一作士鼎實恣和邦默語誰能一作相識琴樽寄北窗子牟戀魏闕漁父愛滄江良時信同此歲晚迹難雙
宴胡楚真禁所

人生固有命天道信無言青蠅一相點白壁遂成冤請室閑逾邃幽庭春未暄寄謝一作語韓安國何驚獄吏尊
魏氏園林人賦一物得秋亭萱草

昔時幽徑裏榮耀雜春叢今來玉墀上銷歇畏秋風細葉猶含綠鮮花未吐紅忘憂誰見賞空此北堂中
晦日宴高氏林亭并序

夫天下良辰美景園林一作亭池觀古來遊宴歡娛衆矣然而地或幽偏未親皇居之盛時終交喪多阻升平
之道豈如光華放旦朝野資歡有渤海之宗英是平陽之貴戚發揮形勝出鳳臺而嘯侶幽贊芳辰指鷄
川而留宴列珍羞於綺席珠翠瑯玕奏絲管於芳園秦箏趙瑟冠纓濟濟多延戚里之賓鸞鳳錯錯自有